

TRIDUUM MADRE MAZZARELLO (Maio tinan 2013)

(Triduum ba loron tolu foti pasajen “ Rahun diak nian ba loron ida-idak , vespervas sei reza tuir ...)

TEMA JERAL : MADRE MAZZARELLO NIA SASIN FIAR NIAN

TEMA loron dahuluk : “ ksolok ba sira ne’ebe laran luak, basá sira sei hetan laran luak.” Mt 5,7

I . MOMENTU ho MADRE MAZZARELLO (iha Vizaun Borgoalto)

“ MADRE MAZZARELLO NIA DOMIN BA FOIN-SA’E SIRA “

Guia : “ **Ha’u entrega sira ba ó “ mak** Lian misterioza ne’ebé nalian ba Maria iha vizaun Borgoalto nian iha forsa mandatu perene ida.” Ha’u entrega sira ba ó”. Lian interior ne’e mak inspirasaun ida ba Maria Domenica ne’ebé haburas ninia mehi dedikasaun total ba foin-sa’e sira, dudu nia atu la’o iha dalan foun atu realiza vokasaun edukativa ida, ne’ebé envolve iha tempu badak foin-sa’e feto sira seluk iha projetu hanesan. Buat ne’ebé Maria Domenica fahe ho nia belun Petronilla mak sínteze simples no klaru kona-ba buat hotu nia hakarak halo; “Hasai feto-ran sira husi perigu, halo sira sai di’ak no liu-liu hanorin sira atu koñese no hadomi Na’i”. Ida ne’e mak hilin edukasaun evanjelizadora nu’udar knar karizmátiku.

Kanto : A te Le Affido (3x) per sempre a Te.

Guia : Destinatáriu ba ita nia misaun mak foin-sa’e feto sira liu-liu feto sira husi grupo serbisu nian iha otas evolusaun ho nia etapa hotu. Ho Don Bosco no Madre Mazzarello nia domin espesial ita dedika-an ba sira ne’ebé kiak liu, ba sira ne’ebé tan razaun oi-oin iha possibilidade oituan deit atu desenvolve no liu-liu hela iha perigu nia laran. Ita fo atensaun partikular ba etapa adolesensia tan ida ne’e mak tempo atu hili buat ne’ebé fundamental ba sira nia moris. (Konst. no. 65)

Pauza 3 minuto

Guia : *Madre Mazzarello koalia ba foin-sa’e sira.* Ha’u maski la koñese imi, ha’u hadomi liu imi, ha’u reza ba imi hotu atu Na’i haraik ba imi grasa no bengan ne’ebé imi hakarak ha’u atu simu. Reza nafatin mai ha’u, ha’u mós reza nafatin ba imi, atu Na’i halo imi sai boot nudar ema di’ak, piedoza no hatene obedese. Ho laran tomak hakbesik an nafatin ba irmán sira, husu sira atu hanorin imi oinsá hadomi Na’i atu aprende didi’ak imi-nia obrigasaun nudar sarani di’ak . Hado’ok an husi maluk ne’ebé aat no la’o nafatin ho sira ne’ebé diak. Iha Devosaun boot ba MariaVirjem, ita-nia Inan doben liu, banati-tuir ninia virtude sira, liuliu haraik an, pureza no rai-an. Se imi halo ida-ne’e imi sei haksolok iha moris no iha oras mate. Hadomi imi nia profesora sira, imi-nia asistente sira maibé liuliu hadomi Jezús no Maria. (L MM 44)

Silensio (5 minuto)

Kanto : Ave Santa Mazzarello p.214

Reza Ami Aman, Ave Maria, Gloria, Graças e Louvores,....

Santa Maria Domingas Mazzarelloharohan mai ami !

II. MOMENTU REZA VESPERAS (tuir breviariu)

“ MADRE MAZZARELLO NIA DOMIN BA IRMÁN SIRA IHA FATIN NO IHA RAI MISAUN”

I . MOMENTU ho MADRE MAZZARELLO (“ Espiritu Mornese)

Guia : Komunidade ne’ebé halibur hamutuk mak Izraél foun, comunidade ne’ebé Maromak bolu atu rona Na’i-Nia lian no la’o iha Ninia dalan sira tuir modelu Aliansa dahuluk.

Kanto : Mornese rai lolon nian (HBN no.)

Guia : Espiritu família kbi’it kriativo sulin husi Dom Bosco nia fuan tenke karakteriza ita nia comunidade ida-idak no husu ita atu ida-idak halo ita nia parte. Nune’e ita ida-idak sei buka atu simu nafatin ninia irmán sira seluk ho respeito, domin no komprensaun, ho atitude nakloke no dialogo sinsero, laran lauk, amizade fraterna no lós. Nia sei fo dadin ba ida-idak nia kontribuisaun ba comunidade no haka’as-an atu fó buat ne’ebé diak liu. Nia sei pronto atu buka ema seluk nia diak duke ninia rasik atu hili ba nia parte ne’ebé todan hodi hala’o ho haraik-an no ksolok. Hodi moris domin fraterno ne’ebé lós, la’os deit iha okasiaun ne’ebé boot, maibe liu-liu iha situasaun bainbain nian. Halo nune’e, sei hakiak iha comunidade klima ida konfiansa no ksolok nian to’o hada’et ba foinsa’e no kolaboradores no favorese vokasaun salesiana ninia buras. (*Konst.art.50*)

Pauza 2 minuto

Guia : *Madre Mazzarello koalia ba nia irmán sira kona ba vida fraterna “*

Imi haksolok nafatin, hadomi ema hotu iha Na’i” . (L 22) “ Fó aten-brani maka’as ba hotu-hotu no halo sira hadomi malu nu’udar biin-alin ne’ebé di’ak , iha Karidade boot ba malu, hodi hatudu Lalehan ba sira, iha ne’ebé ita hotu halibur hamutuk loron ida”. (L 25). “ Imi haksolok bá! ...no haksolok nafatin, nunka fó terus ba malu, se imi ruma hatene katak ema balun presiza tulun ruma fó kedas ba nia no imi konsola no tulun malu”. Sai santa ne’ebé loos, maibe santa ida-ne’ebé haraik an tebes, haksolok ho ema hotu no nakonu ho karidade ba an rasik no ba maluk sira “.

(L 26) “Imi hotu hadomi malu? Imi iha karidade ba malu? (L 27) “ Aten-brani bá, haksolok nafatin no halo ha’u –nia irmán doben sira haksolok.; Na’i hadomi tebes imi, depende ba imi atu hadomi fali Nia ka lae! (27) . Husu nafatin konsellu husi ita-nia Superiora doben sira, keta sees atu halo di’ak tan respeito umano, bolu atensaun nafatin no iha komprensaun ho ita-nia irmán sira-nia defeito, halo ho liberdade buat hotu ne’ebé karidade husu. Imi taru malu atu haree sé mak sai santa ulukliu, liuliu iha haraik an no Karidade . (L 35) “ Ha’u-nia oan feto doben sira, ha’u hameno imi atu hadomi malu, atu pratika nafatin karidade hotu, kompriende malu iha defeito sira, korije malu defeito sira maibe nafatin ho karidade no laran midar. Iha mós kuidadu ba imi nia saúde, ita hanoin bá katak moris ne’ebé ita iha la’os ona ita –nian maibe ita fó tiha ona ba comunidade, nune’e ita tenke tau matan ba nia atu bele uza ba Maromak Nia glória “. (L 37)

Silensiu 5 minuto

Kanto : Ave Santa Mazzarello p.214

Reza Ami Aman , Ave Maria , Gloria, Graças e Louvores.....(dala 1)

Santa Maria Domingas Mazzarelloharohan mai ami !

II. MOMENTU REZA VESPERAS (tuir breviariu)

TEMA loron datolu : “ *Ksolok ba sira ne’ebe buka dame , basa ema sei bolu sira Maromak oan. (Mt. 5. 9)*

“ MADRE MAZZARELLO NIA VIDA INTERIOR IHA ORASAUN, SAKRAMENTU REKONSILIASUAN NO EUKARISTIA “

I. MOMENTU ho MADRE MAZZARELLO (Ho Maromak)

Guia : Selebrasaun Sakramental no liturjika ida-ida hariku no marka ezisténsia fiar na’in sira-nian nu’udar esperiensi fundamental ne’ebé fó ritmu ba moris loroloron no momentu importante sira moris nian. Ne’e mak esperiensi Na’i nian, mate iha krús no moris hi’as, ne’ebé mai to’o no akompaña kriatura idaidak tuir dalan umanu moris nian, dezentvolvimentu nian, domin nian, moras no mate nian. Tradisaun saleziana nian Eukaristia no Rekonsiliaun mak fatuk-riin fundamental ba maturidade spiritual ida ne’ebé metin.

Kanto : Te , Al Centro del mio cuore (FMA Philipiness p. 150)

Guia : Durante tinan tomak, Kreda la’orai ida iha tempo selebra nafatin Kristo nia prezensa iha istória no realiza fila fali litúrjiku ne’ebé ninia tutun a’as mak Paskoa no hatudu ho modun partikular iha semana laran iha “ Na’i Nia loron “ . Hodi tama iha mistério grasa ida ne’e , ita sei moris tempo litúrjiku oioin , ho fiar no ho sentido eklesial ne’ebé klean. Nune’e ita sei hola parte ba beibeik iha Kristo nia knar liberaun nian. (*Kons. Art . 43*)

Pauza 2 minuto

Guia : *Madre Mazzarello koalia ba nia irmán sira kona-ba relasaun ho Divinu*

“Ita tenke mós halo ho entusiasmo no fervor ita-nia prátika piedade nian ,liuliu Santa Komuñau , hodi buka kumpre loloos ita-nia Santa Regra, hodi pratika di’ak liután ita-nia voto Santo pobreza, kastidade no obediénsia”. (L 16) “Maski iha tasi luan ne’ebé haketak ita, ita bele hasoru malu no hakbesik ba malu momentu idaidak iha Jezús ninia Futar Fuan ne’ebé Santo liu, ita bele reza nafatin ba malu, nune’e ita-nia fuan bele sai nafatin ida de’it.”Kesi metin an ba Jezús , serbisu atu fó ksolok de’it Nia , haka’as an atu loroloron sai santa liután. Ita sei haksolok nafatin. Koalia uituan, uituan liu kriatura sira, maibe tenke ko’alia barak ho Nai, Nia sei halo ita sai matenek loos.Ita moris iha uniaun iha Jezús Nia Futar Fuan no reza nafatin ba malu. Aten brani bá! Jezús tenke sai imi-nia kbiit tomak, ho Jezús naha sira sei sai kmaan, kolen sira ma’as , tarak sira sei nakfilak ba di’an....maibé imi tenke manán an rasik, se lae buat hotu sei sai todan no hahalok aat sei mosu fali iha ita-nia fuan hanesan kanek nia tasak. “ (L 22)

“Laran-metin iha Jezús , tau ita-nia problema sira iha ninia Futar Fuan, husik Nai mak halo, Nia sei halo loos buat hotu. Serbisu lahó ambisaun ida, atu fó ksolok de’it ba Jezús”. (L 25)

”Laran metin nafatin iha Jezús , ita-nia kaben doben no iha Maria Santissima, ita Inan doben nafatin no keta tauk buat ida.” (L 34 ,2) . “ Ksolok ba ita, se ita mak irmán loloos , Jezús sei simu ita nu’udar la’en simu nia fen. (L 40 , 3) . “ Oan feto ne’ebé hadomi tebes Jezús la’o diak ho ema hotu.” (l 49). “ Iha nafatin konfiansa boot ba Konfesor. (L 62) “Ha’u husu ba ó pureza iha ó -nia intensaun sira, fuan ne’ebé haraik an iha ó-nia knar hotu. Halo buat hotu atu Jezús bele dehan ba ó; Ha’u nia oan feto, ha’u hadomi ó , ha’u haksolok ho ó-nia hahalok sira. Aten-brani . Wainhira ó kolen no hetan difikuldades ruma bá no entrega ó nia preokupasaun hotu iha Jezús Nia Futar Fuan , no iha neba o hetan ksolok no konsolasaun. Keta fahe ó-nia fuan ba ema ida; husik ba Jezús deit. (L 65).

“ Hanoín nafatin katak ita la hatene buat ida, no buat ne’ebé ita hanoín katak ita hatene ida ne’e mak Maromak nia liman ne’ebé serbisu iha ita. Lahó Nia ita la hatene buat ida se la’ós mak halo aat deit. Ho konfiansa halai ba Jezús no Maria no haraik an lahó neon-betek, no hafoin, ho aten-brani, bá oin nafatin lahó tauk. Reza nafatin. Orasaun mak ita-nia kilat ne’ebé ita tenke kaer nafatin iha liman, nia sei defende ita husi funubaluk hotu no sei tulun ita iha ita nia nesesidade hotu.(L 66)

Silensiu 5 minuto

Kanto : (UN VOLTO NUOVO)

Reza Ami Aman, Ave Maria, Gloria , Graças e Louvores.....

Santa Maria Domingas Mazzarello....harohan mai ami!

II. MOMENTU REZA VESPERAS (tuir breviariu)